

MASCARUBA TA PROLONGA OBRA TEATRAL



ORANJESTAD(AAN): Fin di e siman akilo tin mas presentacion di e obra teatral di Mascaruba: "Ken ta keda cu mama?" cu tabata topico di conversacion durante fin di siman cu a pasa y principio die siman aki.

Dos di e personanan clave den e obra ta Enid de Lannoy y Geechi Pieters.

Despues di tabata 9 aña na Hulanda y Merca, Enid ta back na su isla natal y cu hopi gana y voluntad pa traha pa Aruba y sigui cu Mascaruba, di cual grupo teatral e tin ya

30 aña ta forma parti.

For di tempo di "Maria di Ceri' Noka (1963) Enid a drenta Mascaruba, pero no cu amor pa actua so, pero pa peinado y make up tambe y baile folklorico.

Enid a bay studia pa kapster na Rotterdam na fin di 63, bolbe na 65 y tabata yuda Mascaruba cu peinado y make up.

Door di Sr. Jan Beaujon, q.e.p.d. Enid a haya chance cu judansa di Sticusa pa studia pa grimeuse na Amster-

dam. Na 1980 cu cooperacion di Tele Aruba y Sticusa Enid a bay core stage di 6 luna na Nos TV na Hilversum pa make up pa film y television.

Despues di 15 aña Enid a haya oportunidad di actua atrobe den e obra "Ken ta keda cu mama?" cu el a considera como un reto grandi pasobra e ta yuda su mayornan y su ruman homber cu nan negoshi nobo Casa de Lannoy Nv New Look.

Tabata un tempo duro di mudamento, traha como ama di cas y na e mesun tempo siña rol.

GEECHI PIETERS

Miguel Salomon Gil Pieters for di su juventud tabata interesa den cultura di Aruba, muy en particular folklore y teatro. El a participa na varios ocasion den obranan chiquito di teatro pa diferente organizacion, entre otro Aruba Jrs y Sociedad Bolivariana. E prome grupo di teatro den cual el a actua tabata Studio Comediantes. Na 1959 e grupo a presenta un obra grandi na papiamento den Cas di Cultura bao nomber "Gabrie" den cual Geechi tabata tin papel di Dr. Sanders.

Na 1961 hunto cu algun persona mas a cambia Studio Comediantes den "Mascaruba" di cual grupo e ta co fundador.

Como miembro y actor di mascaruba el a actua den 14 obra. Algun di nan ta Maria di Ceri' Noka, Suerte di pushi preto, Posada di Amor, Diadomingo den New York, Macuarima, Purga den oreo, Monkey's Paw, (cu cual obtra Mascaruba a bishita isnan ariba).

Na ocasion di celebracion di 25 aña di Mascaruba, el a participa den "Testament Plega (1986) y e mes un aña



den Festival Internacional di Teatro di Aruba. El a participa den "Luz na horizonte" E obra aki a ser presenta na Barranquilla tambe durante un gira di intercambio cultural.

Na 1988 Mascaruba a par-

ticipa cu e obra na Mexico representando aruba den Festival Internacional na Puebla.

Na 1989, Geechi a actua den "Hotel Paradiso" y awor e ta Martin den "Ken ta keda cu Mama?"